

Vorrede.

als in Italia, vnd Anglia, wie auch D. Hieronymus
Bock/vom edlen Scordio / der Italtaner Meynung
anzeigt/aber beydes wächst hierumb in grosser men-
ge: Item das Scolopendrium verum , wie auch die
grosse Hirschzung / die von den Thüringern last-
weiß hie gesamblet / vnd in ihr Landt bracht wirdt/
mehr wachsen hie Berthram/Fraxinella, oder Diptā,
Aristolochia rotunda, Gentiana, Digitalis purpu-
rea, vnd sonst andere mehr / so durch die Wurzelträ-
ger gegraben/vnd nach Augspurg/Benedig/vnd an-
dere Stätt in Italia hinweg getragen werden. Die-
ses hab ich also hieneben von vnserm Landt einführe
wollen / diessell mir Anlaß in vielen Sachen durch
solche Commoditet gegeben worden / in compositio-
nibus ohn kosten etlicher Gewächs vnd anderer na-
türlichen Dingen mich zu gebrauchen. Verhoffe
auch der günstige Leser werde meine Wolmeynung/
vnd Lieb zum Vatterlandt verstehen / auch es dahin
achten / daß ich andern so zu diesem Studio Lust tragē/
mir in mehren Sachen nach zuforschen Anlaß gebe.
Wolte wol noch weiter davon schreiben / wo es etliche
naturli nit tadeln möchten / denn ich auch mit War-
heit von den Perlen / so bey Nahfelden in einem Wäs-
serlein gefunden werden / vnd vom Bolo Armeno bey
S. Wendel schreiben köndte.

B ij

Doch